

丹溪活套云凡膈噎反胃悉用二陳湯加薑汁竹瀝
童便韭汁之類爲主治 如胸中覺有熱悶本方
加土炒黃連黃芩瓜萋仁桔梗之類 如血虛瘦
弱之人本方合四物湯少加杏仁泥紅花童便韭
汁之類仍不可缺 如飲酒人本方加沙糖驢屎
人內服 如朝食暮吐暮食朝吐或食下須臾卽
吐者此胃可容受而脾不能傳送也或大小腸秘
結不通而食返上奔也本方多加酒蒸大黃桃仁
之類以潤之脾不磨者本方加麥蘖麩神麩之類

以助化之 如氣虛肥白人膈噎者本方合四君子湯亦如竹瀝薑汁為要藥也 有因七情鬱結成氣噎者本方加香附撫芎木香枳榔括萋仁砂仁之類 凡膈噎大便燥結用大黃乃急則治其標之劑也仍用四物湯加童便韭汁多飲牛羊乳為上策也但不可以人乳代之蓋人乳內有飲食烹飪之火及七情之火存于中故不可以代也 祖傳經驗秘方 潤腸膏治膈噎大便燥結飲食良久復出朝食暮吐暮食朝吐者其功甚捷

新取威靈仙

四兩搗碎 五月開花者

生薑

四兩 搗汁

真麻油

二兩

白砂

四兩煎沸 取出上沫

右四味同入銀石器內攪勻慢火煎候如餒時時以筋挑食之一料未愈再服一料决効

經驗大力奪命丸治膈噎不下食及翻胃等證

柞頭糠

牛轉草

各半斤

糯米

一斤

右為細末取黃母牛口中涎沫為丸如龍眼大入鍋中慢火煮熟食之加砂糖二三兩入內丸尤佳

一方治噎膈久不納穀者

隔年炊飯乾

不拘多少

右一味以急流水煎煮糜爛取濃汁時時與之待能食後以調脾進食生血順氣之藥調治自然然而安

餽逆

論

內經曰諸逆衝上皆属于火丹溪曰餽病氣逆也以其氣自臍下直衝上出于口之名也東垣謂火與元氣不兩立又謂火為元氣之賊古方悉以胃弱言之而不及火且以丁香柿蒂竹茹陳皮等劑治之未審孰為降火孰為補虛人之陰氣依胃為養胃土損傷則木來侮之矣謂之土敗木賊也陰為火所乘不得內相木挾相火之勢故其氣直衝清道而上言胃弱

者陰弱也虛之甚也病者見此以爲危證依正法而治之者尚不能保其一二而况誤醫者乎雖然亦有因實而爲飢者不可不審或因飲食大過填塞胸中而氣不得升降者或有痰閉于上火起于下而氣不得伸越者有爲傷寒熱病陽明內實過期而失下清氣不得升濁氣不得降以致氣不宣通而發飢者凡若此者皆實證也醫者宜專心致意察審虛實而調治之不可妄爲處治以天人之天年也幸甚

脉法

脉浮而緩者易治弦急而按之不鼓者難治

脉結或促或微皆可治 脉代者危

右關脉弦者木乘土位難治

方法

丹溪曰大率有痰有氣虛有虛火上衝視有餘不足治之

痰與食在上者吐之人參蘆稀涎散之類

不足者補之人參白朮煎湯下大補丸

痰用陳皮半夏氣虛用人參白朮陰火用黃連黃

栢滑石或補或吐隨證施治

飢逆自利滑石甘草黃栢芍藥人參白朮陳皮加竹瀝服

痢疾發飢用人參白朮煎湯調益元散頻服自止

陳皮竹茹湯 治傷寒餘熱未解氣虛發飢

甘草 灸一錢

人參 二錢

陳皮 去白二錢

青竹茹 四錢

每服加生薑三片大棗一枚水煎服

橘皮半夏生薑湯 治氣虛有痰發飢

陳皮

半夏

乾生薑

人參

通草 各一錢

每服水一盞半煎去渣溫服

六君子湯 治痰挾氣虛發飢

陳皮 一錢

半夏 一錢五分

茯苓 一錢

甘草 五分

人參 一錢

白朮 一錢五分

每服大棗二枚生薑三片新汲水煎服

丹溪活套云凡傷寒發飢有四證有中氣不足脉虛

微氣不相續而發飢者宜用補中益氣湯加生脉

散黃栢以降虛火或少加附子服之有陽明內實
失下而發餽者宜大承氣湯下之有渴飲水大過
成水結胸而發餽者宜小陷胸湯或小青龍湯去
麻黃加附子治水寒相搏發餽有傳經傷寒熱證
醫者誤用薑桂等熱藥助起火邪痰火相搏為咳
逆者宜黃連解毒白虎湯及竹瀝之類治之

祖傳經驗灸咳逆法 乳根二穴直乳下一寸六分

婦人在乳房下起肉處陷中灸七壯即止如神

又氣海一穴直臍下一寸半灸三七壯立止

吞酸

論

內經曰諸嘔吐酸皆屬於熱惟李東垣獨以為寒誠
一偏之見也河間原病式曰酸者肝木之味也由火
盛制金不能平木則肝木自甚故為酸也如飲食熱
則易于酸矣是以肝熱則口酸也或言為寒者但謂
傷生冷硬物而喜噫醋吞酸故俗醫主于溫和脾胃
豈知人之傷于寒也則為病熱蓋傷寒皮毛則腠理
閉密陽氣發鬱而為熱證故傷寒熱在表而以麻黃

湯熱藥發散使腠理開通汗泄熱退而愈也凡內傷
冷物者或但陰勝陽而為病寒或寒熱相搏怫鬱而
為病熱亦有內傷冷物而反病熱得汗泄熱退身涼
而病愈也或微而止為中酸俗謂之醋心法宜溫藥
散之亦猶傷寒解表之義若久吞酸不已則不宜溫
宜以寒藥治之後以涼藥調之結散熱去則氣和矣
所以中酸不宜食粘滑油膩者謂能令氣鬱不通暢
如食物在器覆蓋蓋熱而自酸宜食粗食菜蔬能令氣
之通利也曰寒曰熱于斯明矣學者詳之

脉法

脉弦而滑 兩手或浮而弦或浮而滑或沉而遲
或緊而洪或洪而數或沉而遲胸中有寒飲洪
數者痰熱在膈間時吐酸水欲成胃反也

方法

茱萸丸

吳茱萸

去梗泡
浸半日

陳皮

去白

黃芩

陳壁土炒
各五錢

黃連

土炒一兩

蒼朮

米泔浸七
錢五分

右為細末神麴糊丸如菉豆大每服二三十丸

津唾嚥下 一方茱萸連二味隨時令寒熱迭

為佐使 寒月倍茱萸 熱月依本方

蒼朮茯苓為補助湯浸蒸餅為小丸吞之

治酸心用茱萸順其性而折之

食鬱有痰二陳湯加南星黃芩之類

加味平胃散 治吞酸因食鬱所致

生料平胃散加神麴炒麥芽薑棗同煎

酸味宜節厚味必蔬食自養則病易安

吐清水用蒼朮 陳壁土炒用 茯苓滑石 炒 白朮陳皮五

味煎服

參萸丸 上可治吞酸下可治自利又云治濕而氣

滯者濕熱甚者用之為嚮導

六一散 一料 吳茱萸 一兩製

右為飯丸服

藿香安胃散 治脾胃虛弱飲食入胃嘔吐作酸不

待腐熟

藿香 丁香 人參 各二錢五分

陳皮 五錢

右爲細末每服二錢加生薑水煎溫服

加減二陳湯 治痰飲爲患嘔吐頭眩心悸或因食

生冷硬物脾胃不和時吐酸水

丁香 五分 半夏 陳皮 各二錢五分

茯苓 一錢五分 甘草 七分半

每服加生薑三片水煎服

三因麴朮丸 治中脘宿食雷飲酸蜚心痛吐清水

神麴 炒三兩 蒼朮 米泔浸一兩半 砂仁 一兩

陳皮 去白一兩

右爲細末生薑汁另煮神麴糊爲丸如梧桐子

大每服七十九薑湯送下

祖傳經驗治吞酸方

用黃連吳茱萸各一兩

右以黃連細切同茱萸以井花水浸七日去連

將茱萸焙乾每日清晨以米湯下四十九粒

嘈雜噯氣

論

內經曰胃爲水穀之海無物不受若夫濕麪魚腥水菓生冷以及烹飪調和粘滯難化等物恣食無節朝傷暮損而成清痰稠飲滯于中宮故爲嘈雜噯氣吞酸痞滿甚則爲翻胃膈噎卽此之由也夫嘈雜之爲證也似饑不饑似痛不痛而有懊懣不自寧之况者是也其證或兼噯氣或兼痞滿或兼惡心漸至胃脘作痛乃痰火之爲患也治法以南星半夏橘紅之類

以消其痰芩連梔子石膏知母之類以降其火蒼朮
白朮芍藥之類以健脾行濕壯其本元又當忌口節
慾無有不安者也

脉法

右寸關脉緊而滑 兩寸弦滑胸中有留飲
寸脉橫者膈上有橫積也

右關弦急甚者木乘土位欲作胃反難治

方法

丹溪曰此爲食鬱有熱炒梔子姜炒黃連乃必用之

藥也

肥人宜二陳湯少加撫芎蒼朮白朮梔子

若濕痰氣滯不喜食用三禰丸加蒼朮倍香附

夫抵嘈雜是痰因火動令人心嘈似饑非饑有積

有熱也治痰爲先宜用山梔薑汁炒黃連爲君

南星半夏陳皮爲臣熱多加青黛

心嘈索食以白朮黃連陳皮爲丸白湯下七八十
丸數服而止

嘈雜眩運是火動其痰二陳加梔子芩連之類

噯氣胃中有火有痰用南星半夏軟石膏香附作

丸或煎服之蓋胃中有鬱火膈上有稠痰也

噯氣吞酸此係食鬱有熱火氣衝上黃芩為君南

星半夏陳皮為佐

三聖丸 治嘈雜神効

白朮 四兩

黃連 五錢

橘紅 一兩

右為細末神麩糊為丸如棗豆大每服五十九

津唾或薑湯下

木連丸 治嘈雜

白朮 四兩

黃連 四錢五分

右為末神麩糊丸如黍米大津唾送下

軟石膏丸 治嘈雜噯氣

南星 泡

半夏 泡

軟石膏 煨

香附 便製

梔子 炒各等分

右為末粥丸如梧桐子大每服五十丸薑湯下

麩朮丸 治中脘有飲則嘈有宿食則酸

方見吞酸門

痞滿

論

內經曰備化之紀其病痞又曰太陰所至爲積飲痞
膈夫痞滿之證東垣論之詳矣謂太陰濕土主壅塞
乃土來心下爲痞滿也傷寒下之大早亦爲痞滿乃
寒傷榮血而然心主血邪入于本故爲心下痞仲景
以瀉心湯用黃連瀉心下之主邪功效甚速非止傷
寒爲然至于酒積雜病下之大過亦作痞滿蓋下多
則亡陰也亡陰者謂脾胃水穀之陰亡也故胸中之

氣因虛而下陷于心之分野故心下痞宜升胃氣以血藥治之若全用利氣之藥道之則痞尤甚痞甚而復下氣愈下降必變為中滿鼓脹皆非其治也又有虛實之異如實痞大便秘者厚朴枳實王之虛痞大便利者芍藥陳皮主之如飲食所傷而為痞滿者宜消導其胸中窒塞之氣上逆兀兀欲吐者則宜吐之所謂在上者因而越之是也學者宜詳究焉

脉法

脉經曰痞脉浮緊而下之緊反入裏因作痞

脉濡弱反在關濡反在巔微反在上澁反在下微則陽氣不足澁則無血陽氣反微中風汗出而燥煩澁則無血厥而且寒陽微不可下下則心下痞堅

右關脉多弦弦而遲者必心下堅 此肝木尅脾土鬱結涎閉于臟腑氣不舒則痞

方法

丹溪曰痞滿與脹滿不同脹滿內脹而外亦形痞則內覺痞悶而外無脹急之形也蓋由陰伏陽蓄氣

血不運而成在心下之中膈滿痞塞皆土邪之所
為耳有因誤下裏氣虛邪乘虛而入于心之分野
有因食痰積不能施行鬱而作痞者有濕熱大甚
土來心下而為痞者

用黃連黃芩枳實之苦以泄之厚朴生薑半夏之
辛以散之人參白朮之甘溫以補之茯苓澤瀉
之鹹淡以滲之大槩與濕同治使上下分消可
也

厚朴溫中湯 治脾胃虛弱心腹脹滿疼痛時發而

時止

厚朴

姜汁製炒

甘草

木香

各五分

乾姜

一錢

每服水煎無加味

木香順氣湯 治膈脹心腹滿悶

木香

益智

陳皮

蒼朮

草豆蔻

各五分

厚朴

姜製

青皮

各四分

茯苓

澤瀉

半夏

各六分

乾生姜

茱萸

各三分

王氏地補國醫...

當歸 各五分
人參 各五分
升麻

柴胡 各一錢

每服水一盞半煎溫服

痞有痰挾血成窠者用桃仁紅花香附大黃之類治之

七氣湯 治七情所傷憂思鬱結肝臟氣不和平心

腹痞悶

半夏 各二錢
茯苓 各二錢
厚朴 姜制一錢五分

紫蘇葉 一錢

每服加生薑三片水一盞煎溫服

大消痞丸 治一切心下痞及年久不愈者

乾生薑 神麴 炒
甘草 炙各二錢

猪苓 二錢 澤瀉 湯泡七次
厚朴 姜汁炒

砂仁 各三錢 半夏 湯泡七次
陳皮 去白

人參 各四錢 枳實 五錢 去根 炒
黃連 陳壁土 炒去土

黃芩 如連製 姜黃 白朮 各一兩

右為細末湯浸蒸餅為丸如梧桐子大每服五十丸至百丸空心白湯下

失笑丸一名枳實消痞丸 治右關脉弦心下虛痞
惡食懶倦開胃進食

乾生薑 一錢
甘草炙

白茯苓
白朮 各二錢
半夏麩

人參 各三錢
厚朴 姜製 四錢
枳實 麩炒黃色

黃連 各五錢

細末蒸餅丸如梧桐子每白湯下七八十丸
消痞湯一名木香化滯湯 治因憂氣鬱結中脘腹
皮裏微痛心下痞滿不思飲食

川歸
枳實 炒各四分
陳皮

生姜
木香 各六分
柴胡 七分

炙甘草
草豆蔻 各一錢
半夏 一錢五分

紅花 一分

每服生姜加三片水二盞煎溫服

黃連消痞丸治心下痞滿壅滯不散煩熱喘促不安

澤瀉
姜黃 各一錢
乾生姜 二錢

甘草 炙
茯苓
白朮 各三錢

陳皮 五錢
猪苓 去黑皮 五錢
枳實 麩炒黃色 七錢

半夏 湯泡九錢

黃連 一兩

黃芩 二兩炒

細末蒸餅丸如梧桐子每白湯下五十九

黃芩利膈丸 除胸中熱利膈上痰

生黃芩

炒黃芩 各一兩 半夏

黃連 各五錢

澤瀉 五錢

南星

枳殼 炒去穰

陳皮 去白各三錢

白朮 二錢

白礬 一錢

今加蘿苣子 五錢

小皂角 一錢

右為細末湯浸蒸餅為丸如梧桐子大每服五十丸白湯下忌酒濕麪魚腥

丹溪活套云凡心下痞滿須用枳實黃連云如肥人

心下痞內有濕飲宜蒼朮半夏縮砂茯苓滑石之

類 如瘦人心下痞乃鬱熱在中焦宜枳實黃連

以導之葛根升麻以發之 如人飲食後因胃風

寒飲食不消而作痞滿宜吳茱萸縮砂藿香草豆

蔻之類溫以化之 如脾氣虛弱轉運不調飲食

不化而作痞者宜白朮山查神麪麥芽之類以消

之 又曰痞滿之證不一有傷寒下早而作痞者

枳殼桔梗湯小陷胸湯之類 有因飲食填塞胸

中而作痞者保和丸東垣枳實道滯丸木香化滯湯之類 傷寒下多則亡陰而痞者四物湯加參苓白朮升麻柴胡少佐以陳皮枳殼之類監之 或大病後元氣未復而胸滿氣短宜補中益氣湯 陳皮枳朮丸木香枳朮丸之類

夫痞滿之證不可執一全在活法詳脉證虛實而調之可也

腫脹

論

內經曰諸濕腫滿皆属于脾又曰諸腹脹大皆属于熱夫脾虛不能制水水漬妄行故通身面目手足皆浮而腫名曰水腫或腹大如鼓而面目四肢不腫者名曰脹滿又名鼓脹皆脾土濕熱爲病腫輕而脹重也丹溪曰心肺陽也居上腎肝陰也居下脾居中亦陰也屬土經曰飲食入胃游溢精氣上輸于脾脾氣散精上歸于肺通調水道下輸膀胱水精四布五經

並行是脾具坤靜之德而有乾健之運故能使心肺之陽降腎肝之陰升而成天地交之泰是爲平人今也七情內傷六淫外侵飲食不節房勞致虛脾土之陰受傷轉輸之官失職胃雖受穀不能運化故陽自升陰自降而成天地不交之否清濁相混墜道壅塞濕鬱爲熱熱又生濕濕熱相生遂成脹滿經曰鼓脹是也以其外雖堅滿中空無物有似于鼓膠固難治又名蠱者若虫侵有蠱之義理宜補脾又須養肺以制木使脾無賊邪之慮滋腎以制火使肺得清化之

令卻鹽味以防助邪斷妄想以保母氣遠音樂戒暴怒無有不安醫者不察急于獲効病者苦于脹滿喜行利藥以求通快殊不知寬得一日二日腹脹愈甚真氣已傷去死不遠矣俗謂氣無補法者以其痞滿壅塞似難于補不思正氣虛而不能運行邪氣着而不出所以爲病經曰壯者氣行則愈怯者著而成病氣虛不補邪何由退病何由安且此病之起固非一年根深蒂固欲取速効自求禍耳知王道者可與語此其或受病之淺脾胃尚壯積滯不通者惟可畧與

疎導而不可峻與利藥也

愚按先生此論詳明殆盡誠千古不易之定議也及視東垣脹滿論又以臟寒生滿病立說引脉經胃中寒則脹滿之語以爲之證愚恐南北風土寒熱不同難以一途而論雖然愚嘗以丹溪法活人多矣是以東垣之論不與脗合故不敢採取其言以爲後人之惑也

脉法

錢經曰其脉大堅以濇者脹也

脉經曰關上脉虛則內脹 遲而滑者脹 脉虛而緊者脹 虛而緊濇者脹 或弦而遲或浮而數者皆脹也

丹溪曰水腫脉多沉伏病陽水兼陽證脉必沉數

病陰水兼陰證脉必沉遲 煩滿小便赤澀大便

秘結此爲陽水 不煩滿大便溏小便少而不赤

澀此爲陰水 脉沉而滑爲風水 脉浮而遲弦

而緊皆爲腫也

水病腹大如鼓脉實者生虛者死洪大者生微細

者死 腹脹便血脉大時絕劇脉小疾者死
中惡腹大四肢滿脉大而緩者生浮而緊者死
緊而榮衛俱絕面浮腫者死 唇腫齒焦者死
卒唇腫而蒼黑者死 掌腫無紋者死 臍腫凸
出者死 缺盆平者死 陰囊脛俱腫者死
脉絕口張足腫者死 足趺腫膝如斗者死

方法

丹溪曰古方惟禹餘糧丸制肝補脾殊為切當然亦
須隨時隨證加減一友人得脹疾自制此藥服之

予曰温熱藥多且煨煉之火尚存宜自加減彼不
聽服之一月口鼻出血骨立而死

朝寬暮急血虛暮寬朝急氣虛朝暮俱急氣血兩
虛

治腫脹大法宜補中行濕利小便以人參白朮為
君蒼朮陳皮茯苓為臣黃芩麥門冬為使以制
肝木少加厚朴以消腹脹氣不運加木香木通
氣下陷加升麻柴胡提之血虛加補血藥痰盛
加利痰藥隨証加減用之無不効者

盧氏醫鏡以水腫隸于腎肝胃而不及脾又肺金盛
之而生水水溢妄行豈理也哉夫脾土受病肺爲之
子固不能自盛而生水然肺金氣清而能生水則
滋長腎陰奉行降令爲生化之源何病腫之有今
爲腫之水乃腐濁之水滲透經絡流注谿谷灌入
隧道血亦因之而化水欲藉脾土以制之通腎氣
以利之殊不知脾病則金氣衰木寡于畏而來侮
土脾欲不病不可得矣治法宜清心經之火補養
脾土全運化之職肺氣下降滲道開通其精氣之
清者復回而爲氣爲血爲津液敗濁者在上爲汗
在下而爲溺以漸而分清矣

腰已上腫者宜發汗腰已下腫者宜利小便此仲
景之法

東垣曰宜以辛散之以苦瀉之以淡滲利之使上下
分清其濕正所謂開鬼門潔淨府開鬼門者謂發
汗也潔淨府者利小便也

產後浮腫必大補氣血少佐以蒼朮茯苓使水自
降大劑白朮補脾壅滿者用半夏陳皮香附監

之有熱當清肺金麥門冬黃芩之屬

熱水腫用山梔子仁炒為末米飲調下三五錢若

胃腕熱病在上者連殼用

禹餘糧丸 治中滿氣脹喘滿及水氣脹

蛇含石 三兩 煨 針砂 五兩 禹餘糧 三兩同 針砂炒

已上三味為主其次量人虛實入下項藥

木香 牛膝 蓬莪朮

白蒺藜 桂心 川芎

茴香 白荳仁 三稜

羌活 茯苓 乾姜

青皮 陳皮 附子

當歸 各五錢

右為末湯浸蒸餅為丸如梧桐子大每服溫酒

空心下五十丸

潔矩三和湯

陳皮 去白 紫蘇 甘草 炙各七分

厚朴 姜製 檳榔 白朮 各一錢

海金砂 四分 木通 一分

每服加生姜三片水煎服

濟生紫蘇湯 專治憂慮過度致傷脾肺心腹脹滿

喘促治腸鳴氣走漉漉有聲大小便不利脉虛而

緊瀼

紫蘇子 一錢 研

白朮 二錢

人參 一錢

大腹皮 酒洗 淨

草菓仁

半夏

厚朴

木香

陳皮

枳殼 麸炒 黃色

甘草 炙各 五分

每服加生姜三片大棗一枚水煎溫服

木香順氣湯 治濁氣在土則生臌脹

木香 三分

厚朴 四分

青皮

陳皮

益智

茯苓

澤瀉

乾生姜

半夏 各二分

吳茱萸 湯泡 二分

川歸 五分

升麻

柴胡 各一分

草豆蔻 三分

蒼朮 五分

白朮 一錢

每服水二盞煎至一盞溫服

中滿分消丸 治中滿鼓脹氣脹水脹熱脹

黃芩 去朽細切酒拌 炒二次六錢

枳實 是炒 黃色

姜黃

甘草 炙

白茯苓

知母 去毛 酒炒

右為細末蒸餅糊丸如梧桐

熱白湯或淡姜湯下

廣采潰堅丸 治中滿腹脹內有積塊堅硬如石令

黃連

半夏 湯泡七次去皮臍各五錢

白朮

猪苓 去黑皮 各一錢

砂仁 各二錢

澤瀉

皮 去白各三錢

乾生姜

人參 各二錢五分

人坐臥不寧二便澀滯上氣喘促或通身虛腫

厚朴 姜制

益智

半夏 七分

紅花

柴胡

青皮

黃芩

草豆蔻

廣木

吳茱萸 各二分

澤瀉

陳皮 各三分

黃連

當歸 各五分

升麻

生甘草

神麴 炒

渴加乾葛 四分

每服加生姜三片水二盞煎七分溫服食遠忌酒醋濕麵二服之後中滿減半止有積塊未消

再服後藥

半夏厚朴湯

紅花

蘇木

各半分

木香

青皮

各二分

吳茱萸

乾生姜

黃連

各一分

肉桂

蒼朮

白茯苓

澤瀉

柴胡

陳皮

生黃芩

草豆蔻

麩果煨

生甘草

各三分

京三稜

當歸稍

猪苓

升麻

各四分

神麩

炒六分

厚朴

姜製八分

半夏

湯泡三錢

桃仁

七箇去皮尖研如泥

昆布

五分

渴加乾葛

三分

每服水三盞煎至一盞稍熱服此藥二貼之後前証又減一半却於前藥中減服之

破滯氣湯

一名木香化滯散

破滯氣心腹滿悶

甘草

炙一分

白檀香

霍香

陳皮

大腹子

白豆蔻

白茯苓

桔梗

各二分

砂仁

人參

青皮

檳榔

木香

姜黃

白朮

各四分

每服水一盞半煎去粗不拘時候溫服

草豆蔻湯 治腹中虛脹

澤瀉 一分

木香 三分

神麴 四分

半夏 泡

枳實 麩炒

草豆蔻

黃芩 春夏不用

益智

甘草 各五分

青皮

陳皮 各六分

茯苓

當歸 各七分

每服加生姜三片水二大盞煎溫服冬月加黃

芪五七分春夏止服正藥食遠溫服

葶藶木香散 治濕熱內外甚水腫腹脹小便赤澀

大便滑泄此藥下水濕消腫脹止瀉痢小便之勝

藥也

葶藶子

茯苓 去皮

猪苓 去皮

白朮 各二錢五分

木香 五分

澤瀉

木通

甘草 各五錢

辣桂 二錢五分

白滑石 三兩

右為細末每服三錢食前白湯調下

白朮木香散 治喘嗽腫滿欲變成水病者不能臥
不敢多食小便閉而不通者

白朮

木猪苓 去皮

甘草

澤瀉

木通

赤茯苓 各五分

木香

檳榔 各三分

陳皮 去白 二錢

官桂 二分

滑石 二錢

每服加生姜三片水一盞半煎溫服

一氣散 治水氣蠱脹滿悶

白丑

黑丑 各二錢

右為細末外用大麪四兩同一處拌勻做燒餅
臨臥用茶清一盞下降氣為驗

牽牛丸 治一切濕熱腫滿等証

大黃

黑丑

椒目

滑石 各等分

黃芩 減半

右為細末酒煮麪糊為丸如梧桐子大每服五
丸至七丸生姜湯食後下看虛實加減丸數

三花神祐丸 治中滿腹脹喘咳淋悶一切水濕腫

滿濕熱腸垢陳積變生諸疾久病不已黃瘦困倦

氣血壅滯不得宣通或風熱燥鬱肢體麻痺走
注疼痛風痰涎嗽頭目眩運瘧疾不已癥瘕積
聚堅滿痞悶酒積食積一切痰飲嘔逆及婦人
經病不快帶下淋瀝無問赤白併男婦傷寒濕
熱腹滿實痛久新瘦弱俗不能辨兼瀉新舊腰
痛併一切下痢及小兒驚疳積熱乳癖腹滿並
宜服之

甘遂

大戟

芫花

醋拌濕炒
各五錢

黑丑

二兩取頭
末一兩

大黃

一兩

輕粉

一錢另
包不研

右為細末同輕粉拌勻滴水為丸如小豆大初
服五丸每服如之溫水下日三服加至快利為
度利後又常服病去乃止設病愈後惟老弱久
病虛人勿服平人常服保養宣通氣血消進飲
食病痞悶極甚者便多服則頓攻不開轉加痛
悶宜初服二丸每服加二丸至快利為度以意
消息小兒丸如麻子大隨強弱大小加減丸數
三四歲者三四丸依前法服

宣明鷄屎醴飲

論出素問腹中論

治鼓脹旦食

則不能暮食痞滿壅塞難當

大黃

桃仁 去皮

乾鷄屎

右各等分為細末每服二錢水一盞生姜三片煎湯調下食遠臨臥服

丹溪活套云凡腹脹須用姜製厚朴肥人腹脹必用利濕蒼朮茯苓滑石海金沙之類 色白人腹脹必是氣虛用人參白朮白茯苓之類 瘦人腹脹是熱必用黃連黃芩梔子厚朴之類 如因有故蓄血而腹脹者用桃仁紅花甚者用抵當湯丸之類

類 如因食積而腹脹者保和丸加木香檳榔阿

魏之類 有熱鬱結而脹者局方丁香脾積丸東

垣三稜消積丸之類 如因外寒鬱內熱而腹脹

者用藿香官桂升麻乾葛之類 如因多怒鬱氣

而脹者宜用蒼朮梅芎香附青皮芍藥柴胡及龍

薈丸之類 凡腹脹初得是氣脹宜行氣疏道之

劑木香檳榔枳殼青皮陳皮厚朴之類 久則成

水脹宜行濕利水之劑

祖傳經驗鷄屎醴 治鼓脹氣脹水脹等證

羯鷄屎 一升

右一味研細炒焦色地上出火毒再研極細百沸湯三升淋汁每服一大盞調木香栝榔末各一錢日三服空腹服以平為度

又經驗方 治腫脹或通身水腫或腹大堅滿

三稜

義木

各用醋炒

陳皮

去白

青皮

砂仁

羌活

防已

澤瀉

連翹

栝榔

各二錢

廿遂

二錢五分

椒目

木香

乾漆

炒烟盡各一錢

白丑

黑丑

各二兩取頭末九錢

大黃

八錢

雙頭蓮

三錢

右為細末麵糊為丸如梧桐子大每服三錢空心溫酒送下以利為度病退即止藥忌甘草菘菜鹽醬

又經驗桃奴丸

治婦人或室女月水不通漸成脹

滿及男子墜馬跌撲損傷以致瘀血停積成血蠱病皆可治之

桃奴

桃樹上乾朽嫩桃也十二月收用

玄胡索

殺鼠糞 兩頭尖乃雄鼠屎也

香附子

官桂

五靈脂

砂仁

桃仁 去皮尖各等分

右為末每服三錢溫酒調下

按凡有此病切戒酒色鹽醋雖服前藥而愈亦宜禁忌不然復作難治

鼓脹奇方

大黃 一兩

川椒 一錢

檳榔 二箇

青皮 一錢

草果 二箇

陳皮 一兩

巴豆 一錢五分

木香 二錢

黃芩 一錢

麥芽 煮搗去油

共為末每服四分蘿苜湯下